

Na osnovu člana 16. stav (2) Zakona o Vladi Zeničko-dobojskog kantona–Prečišćen tekst („Službene novine Zeničko-dobojskog kantona”, broj: 7/10) a u skladu sa Programom utroška sredstava Ministarstva za rad, socijalnu politiku i izbjeglice za 2018. godinu, broj: 02-14-3073/18 od 22.02.2018. godine, Vlada Zeničko-dobojskog kantona, na prijedlog Ministarstva za rad, socijalnu politiku i izbjeglice, na 147. sjednici, održanoj dana 14.06.2018. godine, d o n o s i

O D L U K U

o odobravanju sredstava za nastavak implementacije projekta „Sigurna kuća za žene žrtve nasilja u porodici i zajednici sa područja općina Zeničko-dobojskog kantona”

Član 1.

(Predmet)

Odobravaju se sredstva Udruženju „Medica“ iz Zenice kao implementatoru projekta “Sigurna kuća za žene žrtve nasilja u porodici i zajednici sa područja općina Zeničko-dobojskog kantona”, na koji je Vlada Kantona dala saglasnost Zaključkom, broj: 02-35-24109/09 od 23.09.2009. godine, u ukupnom iznosu od 54.720,00 KM (slovima: pedesetčetirihiljadesedamstotinadvadeset konvertibilnih maraka) kao učešće Zeničko-dobojskog kantona u nastavku implementacije projekta „Sigurna kuća za žene žrtve nasilja u porodici i zajednici sa područja općina Zeničko-dobojskog kantona” u periodu januar-decembar 2018. godine.

Član 2.

(Analitička konta)

(1) Sredstva iz člana 1. ove odluke isplatit će se iz sredstava utvrđenih Budžetom Zeničko-dobojskog kantona za 2018. godinu („Službene novine Zeničko-dobojskog kantona”, broj: 1/18) razdjel 20 – Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614200, KAD 207, pozicija: „Ostali socijalni transferi“.

(2) Sredstva iz člana 1. ove odluke će biti uplaćivana u mjesečnim iznosima od 4.560,00 KM na račun Udruženja broj: 161-055-000-8240085 otvoren kod Raiffeisen banke Zenica.

Član 3.

(Provođenje odluke)

Za realizaciju ove odluke zadužuje se Ministarstvo za rad, socijalnu politiku i izbjeglice i Ministarstvo finansija, svako u domenu svojih nadležnosti.

Član 4.

(Izvještavanje)

Udruženje „Medica“ iz Zenice će izvještavati Ministarstvo za rad, socijalnu politiku i izbjeglice tromjesečnim izvještajima o namjenskom utrošku odobrenih i doznačenih sredstava.

Član 5.

(Stupanje na snagu)

Odluka stupa na snagu danom donošenja, i bit će objavljena u „Službenim novinama Zeničko-dobojskog kantona“.

Broj: 02-14-9920/18.

Datum 14.06.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Udruženje „Medica“ iz Zenice

Ul. Krivače br. 40, Zenica (putem Ministarstva),

1x „Službene novine Zeničko-dobojskog kantona“,

1x a/a.